

## **ხელშეკრულება სახელმწიფო შესყიდვის შესახებ N-10**

(კონსოლიდირებული ტენდერი CON190000758)

(30200000-კომპიუტერული მოწყობილობები და აქსესუარები)

ქ. თბილისი

22 სექტემბერი 2020 წელი

ერთი მხრივ სსიპ კასპის მუნიციპალიტეტის სოფელ წინარეხის საჯარო სკოლა, წარმოდგენილი მისი დირექტორის მოვალეობის შემსრულებლით ვასილ ქეშელაშვილის სახით, და მეორე მხრივ - შპს „იუ-ჯი-თი“ წარმოდგენილი მისი გენერალური დირექტორის ერმილე სულაძის სახით, ორივე ერთად წოდებული, როგორც „მხარეები“, ვმოქმედებთ „სახელმწიფო შესყიდვების შესახებ“ საქართველოს კანონის 20<sup>2</sup> მუხლის, სახელმწიფო შესყიდვების სააგენტოს თავმჯდომარის 2018 წლის 14 დეკემბრის N14 ბრძანებით დამტკიცებული „კონსოლიდირებული ტენდერის ჩატარების წესისა და პირობების“, ასევე „2020 წლის განმავლობაში სტანდარტული პერსონალური და სტანდარტული პორტაბელური/სატარებელი კომპიუტერების სახელმწიფო შესყიდვის კონსოლიდირებული ტენდერ(ები)ის სამუალებით განხორციელების თაობაზე“ საქართველოს მთავრობის 2019 წლის 4 დეკემბრის №2516 განვარგულებისა და საქართველოში მოქმედი კანონმდებლობის საფუძველზე, ვდებთ წინამდებარე ხელშეკრულებას შემდეგზე:

### **1. გამოყენებული ტერმინების განმარტებები**

1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1. „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების შესრულებისათვის;

1.1.3. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც შეისყიდის საქონელს.

1.1.4. „მიმწოდებელი“ ნიშნავს პირს, რომელიც აწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;

1.1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

1.1.6. სამუშაო დღე ნიშნავს კალენდარულ დღეს შაბათის, კვირისა და საქართველოს კანონმდებლობით განსაზღვრული უქმე დღეების გარდა.

1.1.7. თუ ხელშეკრულებით გათვალიწინებული ვადის უკანასკნელი დღე ემთხვევა უქმე ან დასვენების დღეს, ვადის დამთავრების დღედ ჩაითვლება მისი მომდევნო პირველი სამუშაო დღე.

1.1.8. სატენდერო დოკუმენტაცია - 2020 წლის განმავლობაში სტანდარტული პერსონალური კომპიუტერის კომპლექტის სახელმწიფო შესყიდვის კონსოლიდირებული ტენდერის (CON190000758) სატენდერო დოკუმენტაცია, რომელიც შესაძლოა დანართის სახით ფიზიკურად არ დაერთოს წინამდებარე ხელშეკრულებას, მაგრამ წარმოადგენს მის განუყოფელ ნაწილს.

1.1.9. „საქონელი“ - ხელშეკრულების მე-2 მუხლით გათვალისწინებული შესყიდვის ობიექტი.

## **2. ხელშეკრულების საგანი და შესყიდვის ობიექტი**

- 2.1. ხელშეკრულების საგანს წარმოადგენს წინამდებარე ხელშეკრულების დანართი №1-ით და N2-ით განსაზღვრული სტანდარტული პერსონალური კომპიუტერ(ებ)ის (კომპლექტი: სისტემური ბლოკი, მონიტორი, კლავიატურა, მაუსი) (მემდგომში სტანდარტული დესკტოპი) სახელმწიფო შესყიდვა, რომლებიც აკმაყოფილებენ კონსლიდირებული ტენდერის (CON190000758) სატენდერო დოკუმენტაციის ტექნიკურ პარამეტრებს.
- 2.2. შესყიდვის ობიექტია სტანდარტული პერსონალური კომპიუტერი (კომპლექტი: სისტემური ბლოკი, მონიტორი, კლავიატურა, მაუსი)
- 2.3. შესყიდვის ობიექტის აღწერილობა, ტექნიკური მახასიათებლები, რაოდენობა და ერთეულის ღირებულება განისაზღვრება დანართი №1-ით და დანართი N2-ით, რაც წარმოადგენს ხელშეკრულების განუყოფელ ნაწილს.

## **3. ხელშეკრულების საერთო ღირებულება**

- 3.1. ხელშეკრულების ღირებულებაა 2288 (ორი ათას ორას ოთხმოცდარვა) ლარი.
- 3.2. ხელშეკრულების 3.1. პუნქტში აღნიშნულ ფასში შედის საქართველოს კანონმდებლობით გათვალისწინებული ყველა შესაბამისი გადასახადი.

## **4. შესყიდვის ობიექტის ხარისხი, გარანტია, მიწოდების ვადა, ადგილი და პირობები**

- 4.1. მიმწოდებელი იძლევა გარანტიას, რომ საქონელი იქნება ხარისხიანი, ქარხნული წესით შეფუთულ მდგომარეობაში, უპასუხებს ხელშეკრულების პირობებს და დაკავშირდებოდებს დანართი N2-ით განსაზღვრულ მოთხოვნებს.
- 4.2. შესყიდვის ობიექტის მიწოდების ვადაა შემსყიდველის მოთხოვნიდან არაუგვიანეს 15 სამუშაო დღე. შემსყიდველის მიერ საქონლის მოთხოვნა უნდა განხორციელდეს ხელშეკრულების გაფორმების შემდეგ, ელ. ფოსტის მეშვეობით (შემსყიდველის ელ. ფოსტის მისამართი: [winarexiissabazo@gmail.com](mailto:winarexiissabazo@gmail.com); მიმწოდებლის ელ. ფოსტის მისამართი [Gela.gaprindashvili@ugt.ge](mailto:Gela.gaprindashvili@ugt.ge));
- 4.3. შესყიდვის ობიექტის მიწოდების ადგილია: თბილისი, ი. ჭავჭავაძის გამზ. #17ა;
- 4.4. ხელშეკრულებით განსაზღვრული საქონელზე გარანტია ვრცელდება მიღება-ჩაბარების აქტის გაფორმებიდან 3 (სამი) წლის განმავლობაში.
- 4.5. გარანტია ვრცელდება ასევე იმ სტანდარტულ დესკტოპზე, რომლებზეც შემსყიდველი ორგანიზაციის გადაწყვეტილებით უნდა დამონტაჟდეს ოპტიკური დისკის წამკითხავი (DVD ROM);
- 4.6. საგარანტიო ვადის განვალობაში, ხარვეზის აღმოჩენის შემთხვევაში შემსყიდველის მიერ დგება შესაბამისი წერილობითი დოკუმენტი, სადაც აღიწერება არსებული ხარვეზი, რის საფუძველზეც ხარვეზის აღმოსაფხვრელად შემსყიდველი მიმართავს მიმწოდებელს და უზრუნველყოფს მიმწოდებლის ტექნიკური მხარდაჭერის/შეკეთების პუნქტში სტანდარტული დესკტოპის ტრანსპორტირებას, ხოლო მიმწოდებელი ვალდებულია აღნიშნული ხარვეზი აღმოფხვრას საგარანტიო საქონლის მიმწოდებლის ტექნიკური მხარდაჭერის/შეკეთების პუნქტში წარმოდგენიდან 10 სამუშაო დღის განმავლობაში.
- 4.7. საქონლის ქარხნული წუნის შემთხვევაში, მიმწოდებელი ვალდებულია, განახორციელოს წუნდებული საქონლის ახლით შეცვლა შემსყიდველის მიერ მხარდაჭერის/შეკეთების პუნქტში საქონლის წარმოდგენიდან არაუგვიანეს 10 (ათი) სამუშაო დღის ვადაში.

## **5. საქონლის მიღება-ჩაბარების წესი**

- 5.1. წინამდებარე ხელშეკრულებით გათვალისწინებული საქონლის გადაცემის დადასტურების მიზნით, საქონლის მიწოდებისას შემსყიდველსა და მიმწოდებელს შორის ფორმდება მიღება-ჩაბარების აქტი.
- 5.2. საქონელი ჩიათვლება მიღებულად მხოლოდ მხარეებს შორის მიღება-ჩაბარების აქტის გაფორმების შემდგომ.

5.3. შემსყიდველის მხრიდან საქონლის მიღებასა და მიღება-ჩაბარების აქტის ხელმოწერაზე უფლებამოსილი პირ(ებ)ი არიან დირექტორის მ/შ ვასილ ქეშელაშვილი\_ . მიმწოდებლის მხრიდან საქონლის მიღება- ჩაბარების აქტის ხელმოწერაზე უფლებამოსილი პირია გელა გაფრინდაშვილი.

## 6. ანგარიშსწორების პირობები

- 6.1. შემსყიდველი ვალდებულია მიღება-ჩაბარების აქტის გაფორმებიდან 10 სამუშაო დღის ვადაში განახორციელოს ანგარიშსწორება.
- 6.2. დაფინანსების წყარო: 2020 წლის საკუთარი შემოსავლები.
- 6.3. ანგარიშსწორება განხორციელდება შემდეგი პირობებით:
  - 6.3.1. ანგარიშსწორების ვალუტა -ლარი.
  - 6.3.2. ანგარიშსწორების ფორმა -უნაღდო.
  - 6.3.3. მოიცავს საქართველოს კანონმდებლობით დადგენილ ყველა გადასახადს.

## 7. მხარეთა უფლება-მოვალეობები

### 7.1. მიმწოდებელი ვალდებულია:

- 7.1.1. უზრუნველყოს წინამდებარე ხელშეკრულებით გათვალისწინებული საქონლის მიწოდება წინამდებარე ხელშეკრულებითა და სატენდერო დოკუმენტაციით დადგენილი პირობების შესაბამისად;
- 7.1.2. უზრუნველყოს შემსყიდველისთვის ხელშეკრულებით გათვალისწინებული რაოდენობის სტანდარტული პერსონალური კომპიუტერ(ებ)ის მიწოდება სატენდერო დოკუმენტაციით დადგენილი ვადების მიხედვით, კერძოდ, განახორციელოს სტანდარტული პერსონალური კომპიუტერების მიწოდება შემსყიდველ ორგანიზაციასთან ხელშეკრულების დადების შემდეგ, მისი მოთხოვნიდან არაუგვიანეს 15 სამუშაო დღის ვადაში.
- 7.1.3. გაავრცელოს სტანდარტულ დესკტოპებზე 3 (სამი) წლიანი საგარანტიო მომსახურება, რომლის მიხედვითაც, მისი დაზიანების შემთხვევაში 10 (ათი) სამუშაო დღის განმავლობაში შეაკეთებს ან შეცვლის მას ახლით. საგარანტიო მომსახურება ასევე უნდა გავრცელდეს იმ სტარნდარტულ დესკტოპებზე, რომლებზეც შემსყიდველი ორგანიზაციის გადაწყვეტილებით უნდა დამონტაჟდეს ოპტიკური დისკის წამკითხავი (DVD ROM);
- 7.1.4. უზრუნველყოს კონსოლიდირებული ტენდერის სატენდერო წინადადებით გათვალისწინებულ მომსახურების პუნქტებზე შესაბამისი მომსახურების გაწევა;
- 7.1.5. სათანადო გულისხმიერებითა და პასუხისმგებლობით ითანამშრომლოს შემსყიდველ ორგანიზაციასთან, განიხილოს მისი მოსაზრებები, პრეტენზიები და მიაწოდოს მოტივირებული წერილობითი პასუხი ყველა საკითხზე;
- 7.1.6. ხელი შეუწყოს შემსყიდველს წინამდებარე ხელშეკრულების ინსპექტირების განხორციელებისას;
- 7.1.7. უზრუნველყოს სატენდერო დოკუმენტაციითა და ამ ხელშეკრულებით გათვალისწინებული სხვა ვალდებულებების შესრულება.

### 7.2 მიმწოდებელი უფლებამოსილია:

- 7.2.1. არ გაახორციელოს საქონლის მიწოდება გამარჯვებულად გამოვლენიდან 60 კალენდარული დღის განმავლობაში.
- 7.2.2. მოსთხოვოს შემსყიდველ ორგანიზაციას ხელშეკრულებითა და შესაბამისი სატენდერო დოკუმენტაციით გათვალისწინებული მასზე დაკისრებული ვალდებულებების ჯეროვანი შესრულება.

### 7.3. შემსყიდველი ვალდებულია:

7.3.1. აუნაზღაუროს მიმწოდებელს ხელშეკრულების ღირებულება ხელშეკრულების პირობებში ასახულ ვადებში და ფორმით;

7.3.2. უზრუნველყოს მიმწოდებლისაგან შესყიდული სტანდარტული დესკრიპტოს ტრანსპორტირება საკუთარი ხარჯებით, ასევე უზრუნველყოს მიმწოდებლის ტექნიკური მხარდაჭერის/შეკეთების პუნქტებში სტანდარტული დესკრიპტოს ტრანსპორტირება.

7.3.3. სათანადო გულისხმიერებითა და პასუხისმგებლობით ითანამშრომლოს მიმწოდებელთან, შეათანხმოს საქონლის მოთხოვნისა და მიწოდების საორიენტაციო, შემდგომში დაზუსტებული ვადები, განიხილოს მისი მოსაზრებები, პრეტენზიები და მიაწოდოს მოტივირებული წერილობითი პასუხი ყველა საკითხზე;

7.3.4. უზრუნველყოს სატენდერო დოკუმენტაციითა და ამ ხელშეკრულებით გათვალისწინებული სხვა ვალდებულებების შესრულება;

7.3.5. უზრუნველყოს ხელშეკრულების შესრულების კონტროლი;

#### 7.4. შემსყიდველი უფლებამოსილია:

7.4.1. მოსთხოვოს მიმწოდებელს ხელშეკრულებითა და შესაბამისი სატენდერო დოკუმენტაციით გათვალისწინებული მასზე დაკისრებული ვალდებულებების ჯეროვანი შესრულება.

### 8. ხელშეკრულების პირობების შეუსრულებლობა/არაჯეროვანი შესრულება

8.1 წინამდებარე ხელშეკრულებით გათვალისწინებული ვადების დარღვევის შემთხვევაში, შემსყიდველი უფლებამოსილია დაკისროს მიმწოდებელს პირგასამტებლო ყოველ ვადაგადაცილებულ დღეზე სახელშეკრულებო ღირებულების 0,02%-ის ოდენობით;

#### 9. ხელშეკრულების მოქმედების ვადა

9.1. ხელშეკრულების მოქმედების ვადა განისაზღვრება ხელშეკრულებაზე ორმხრივად ხელის მოწერის დღიდან 2022 წლის 31 დეკემბრის ჩათვლით, ხოლო ხელშეკრულების 4.4., 4.5. და 8.1 პუნქტით განსაზღვრულ ურთიერთობებზე ხელშეკრულება მოქმედებს გარანტის ვადით.

### 10. ხელშეკრულების პირობების გადასინჯვის შესაძლებლობა

თუ წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია დაუყოვნებლივ წერილობით შეატყობინოს მეორე მხარეს შესაბამისი ინფორმაცია.

#### 11. დაუძლეველი ძალა (ფორს-მაჟორი)

11.1. მხარეები არ არიან პასუხისმგებელნი თავიანთი ვალდებულების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, კარანტინი, ეპიდემია, მიწისმცვა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ წინამდებარე ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

11.2. ფორს-მაჟორული გარემოებების დადგომის შემთხვევაში წინამდებარე ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

11.3. ფორს-მაჟორული გარემოებების არსებობა დადასტურებულ უნდა იყოს უფლებამოსილი სახელმწიფო

ორგანოს მიერ.

## 12. ხელშეკრულების კონტროლის პირობები

- 12.1. შემსყიდველი უფლებამოსილია განახორციელოს კონტროლი, შესყიდვის ობიექტის მიწოდების პარალელურად.
- 12.2. კონტროლის აქტში მითითებული უნდა იყოს აღმოჩენილი დეფექტი ან ნაკლი.
- 12.3. ვიზუალური დათვალიერების დროს, ხილვადი დეფექტის ან/და ნაკლის აღმოჩენის შემთხვევაში, შემსყიდველი ვალდებულია დაუყოვნებლივ წერილობით ან/და სატელეფონო კავშირით შეატყობინოს მიწოდებელს აღმოჩენილი დეფექტის, ნაკლის შესახებ და მოსთხოვოს მისი აღმოფხვრა ან შეცვლა თავისი ხარჯით.
- 12.4. შემსყიდველის მხრიდან ხელშეკრულების შესრულების კონტროლს განახორციელებს ვასილ ქეშელაშვილი

## 13. ხელშეკრულების შეწყვეტა, ცვლილების შეტანა

- 13.1. მიმწოდებლის მიერ კანონმდებლობითა და კონსოლიდირებული ტენდერის შედეგად ნაკისრი ვალდებულებების შეუსრულებლობის ან/და არაჯეროვანი შესრულების შემთხვევაში, შემსყიდველი ორგანიზაცია უფლებამოსილია მიმართოს სატენდერო კომისიას ხელშეკრულების შეწყვეტის თაობაზე საკითხის გადაწყვეტის მიზნით. გადაწყვეტილების მიღების დროს სატენდერო კომისია ხელმძღვანელობს პროპორციულობის, მიზანშეწონილობისა და თანაზომიერების პრინციპებით.
- 13.2. სატენდერო კომისიის მიერ ხელშეკრულების შეწყვეტის შესახებ მითითების გაცემის შემთხვევაში, მიმწოდებელს არ დაუბრუნდება კონკრეტული ხელშეკრულებისათვის წარმოდგენილი ხელშეკრულების შესრულების უზრუნველყოფის გარანტია. ხოლო საბანკო გარანტიის არ არსებობის შეთხვევაში მიმწოდებელს დაკისრება შემსყიდველი ორგანიზაციის სასარგებლოდ საჯარიმო თანხის გადახდა წინამდებარე ხელშეკრულების ფარგლებში:
- 13.2.1 20%-ის ოდენობით ხელშეკრულებით ნაკისრი ვალდებულებების შეუსრულებლობის შემთხვევაში.
- 13.2.2 შესასყიდი საქონლის (დარჩენილი) ღირებულების 10%-ის ოდენობით ხელშეკრულებით ნაკისრი ვალდებულებების არაჯეროვანი შესრულების შემთხვევაში.
- 13.3. შემსყიდველს უფლება აქვს ცალმხრივად შეწყვიტოს ხელშეკრულების მოქმედება მიმწოდებლის გაკოტრების შემთხვევაში;
- 13.4. ხელშეკრულების ცალკეული პირობების შეწყვეტა არ ათავისუფლებს მიმწოდებელს ხელშეკრულებით ნაკისრი სხვა ვალდებულების შესრულებისაგან.
- 13.5. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

## 14. დავები და მათი გადაწყვეტის წესი

- 14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.
- 14.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

## 15. კონფიდენციალურობა

- 15.1. მხარეები ვალდებული არიან გაუფრთხილდნენ ერთმანეთის საკუთრებას, არ გახადონ მესამე პირთათვის ცნობილი ყველა ის ინფორმაცია, რომელიც ითვლება კონფიდენციალურად.
- 15.2. ვალდებულება კონფიდენციალურობის შესახებ ძალაში რჩება ხელშეკრულების დამთავრების შემდეგაც.

## 16. სხვა პირობები

- 16.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.
- 16.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 16.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

## 17. მხარეთა რეკვიზიტები

შემსყიდველი:

სსიპ კასპის მუნიციპალიტეტის სოფელ  
წინარეხის საჯარო სკოლა  
ს/კ -232550744  
მისამართი: ქ. კასპი სოფელი წინარეხი  
ტელეფონი: 577 275 053  
საბანკო რეკვიზიტები:  
GE29LB0121155931867000  
სს „ლიბერთი ბანკი“, კოდი: LBRTGE22

მიმწოდებელი:

შპს „იუ-ჯი-თი  
ს/კ – 204892964  
მისამართი: ქ. თბილისი, ი.ჭავჭავაძის გამზ #17ა  
ტელეფონი: 2 220505  
საბანკო რეკვიზიტები:  
ანგ.# GE88BG000000261644601,  
სს „საქართველოს ბანკი”, კოდი: BAGAGE22,

დირექტორის მ/შ  
/ვასილ ქეშელაშვილი/

გენერალური დირექტორი  
/ერმილე სულაძე/

ხელშეკრულება სახელმწიფო შესყიდვის შესახებ N-10

დანართი №1

#	საქონლის დასახელება	რაოდენობა	ერთეულის ფასი	სულ ფასი
1	სტანდარტული პერსონალური კომპიუტერი - (კომპლექტი: სისტემური ბლოკი, მონიტორი, კლავიატურა, მაუსი)	2	1144.00 ლარი	2288 ლარი
სულ დღგ-ს ჩათვლით:				2288 ლარი

შემსყიდველი:

სსიპ კასპის მუნიციპალიტეტის სოფელ  
წინარეხის საჯარო სკოლა

დირექტორის მ/შ, ვასილ ქეშელაშვილი

მიმწოდებელი:

შპს „იუ-ჯი-თი“

გენერალური დირექტორი, ერმილე სულაძე

ტექნიკური პარამეტრები		
1	მონიტორი:(მწარმოებელი, მოდელი, მწარმოებელი ქვეყანა)	Acer V226HQLBD LCD Monitor ჩინეთი
2	ტიპი	21.5 ინჩი, LED განათებით
3	ფორმატი	16:09
4	რეგისტრირების დრო	5 მილიწამი
5	მატრიცის ტიპი	TN
6	გარჩევადობა	1920x1080
7	კონტრასტულობა	დინამიური 100 000 000:1
8	სიკაშვაშე	250 ცდ/მ²
9	უკანა განათების სამუშაო ციკლი	30 000 საათი
10	ხედვის კუთხე	170° ჰორიზონტალი 160° ვერტიკალი
11	დახრის კუთხე	-5, +25 გრადუსი
12	ვიდეო პორტები	VGA, DVI
13	მონიტორს უნდა მოყვებოდეს კვების კაბელი და შესაბამისი ვიდეო კაბელები	კვების კაბელი და VGA კაბელი
14	სისტემური ბლოკი: (მწარმოებელი, მოდელი, მწარმოებელი ქვეყანა)	Acer Veriton X2665G ჩინეთი
15	პროცესორი	Intel Pentium Gold G5420
16	ბირთვების რაოდენობა	2 (ორი)
17	ნაკადების რაოდენობა	4 (ოთხი)
18	„ქეში“	4 მეგაბაიტი
19	ბაზური ტაქტური სიხშირე	3.80 GHz
20	ლიტოგრაფია	14 nm
21	უნდა გააჩნდეს ვირტუალიზაციის მხარდაჭერა	გააჩნია ვირტუალიზაციის მხარდაჭერა
22	დედაპლატა	
23	მყარი დისკის კონტროლერი	SATA, 4 ინტერფეისი
24	ჩაშენებული ქსელის ადაპტერი	RJ-45 10/100/1000
25	გაფართოების სლოტები	DIMM სლოტი - 2 ცალი; PCI-E 16x - 2 ცალი; M.2 PCIe NVMe დისკისთვის - 1 ცალი
26	პორტები	4 ცალი USB 3.1 სისტემური ბლოკის წინა პანელზე და 4 ცალი USB 2.0 უკანა პანელზე

27	გრაფიკული ინტერფეისები	VGA, DisplayPort, HDMI
28	ოპერატიული მეხსიერება	4096მბ ერთი მოდულით; ტიპი: DDR4 2400MHz
29	მყარი დისკი	256GB M.2 PCIe NVMe ტიპის
30	DVD/CD წამკითხველი (DVD/CD Rom)	DVD/CD წამკითხველი არ აქვს. სისტემურ ბლოკს აქვს 1 DVD წამკითხველისთვის განკუთვნილი თავისუფალი ადგილი
31	კლავიატურა: (მწარმოებელი, მოდელი, მწარმოებელი ქვეყანა)	Acer Pro 1 USB keyboard, 104 კლავიშანი, ჩინეთი
32	მაუსი: (მწარმოებელი, მოდელი, მწარმოებელი ქვეყანა)	Acer Black A USB mouse (scroll-ის ფუნქციით), ჩინეთი
33	ოპერაციული სისტემა	Preinstalled Windows 10 Professional 64 OEM

**შემსყიდველი:**

სსიპ კასპის მუნიციპალიტეტის სოფელ  
წინარეხის საჯარო სკოლა

დირექტორის მ/შ, ვასილ ქეშელაშვილი

**მიმწოდებელი:**

შპს „იუ-ჯი-თი“

გენერალური დირექტორი, ერმილე სულაძე